

# Тропари, кондаки и величания общие святым

## В праздники Богородичные

### *Тропарь, глас 4-й*

К Богородице прилежно ныне притецем, грешнии и смиреннии, и припадём, в покаянии зовуще из глубины души: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи, Тя бо едину надежду имамы.

### *Другой тропарь, глас тот же*

Не умолчим никогда, Богородице, силы Твоя глаголати недостойнии, аще бо Ты не бы предстояла молящи, кто бы нас избавил от толиких бед? Кто же бы сохранил донине свободны? Не отступим, Владычице, от Тебе, Твоя бо рабы спасаеши присно от всяких лютых.

### *Кондак, глас 6-й*

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

### *Другой кондак, глас 6-й*

Не имамы иных помощи, не имамы иных надежды, разве Тебе, Владычице, Ты нам помози, на Тебе надеемся и Тобою хвалимся, Твой бо есмь рабы, да не постыдимся.

### *Величание*

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.

## Небесным силам бесплотным

### *Тропарь, глас 4-й*

Небесных воинств Архистратизи, молим вас присно мы недостойнии, да вашими молитвами оградите нас кровом крил невещественная ваша славы, сохраняюще нас, припадающих прилежно и вопиющих: от бед избавите нас, яко чиноначальницы Вышних сил.

### *Кондак, глас 2-й*

Архистрати́зи Бо́жии, служи́телие Божѣственныя сла́вы, Ангелов нача́льницы и челове́ков наста́вницы, полѣзное нам проси́те и ве́лию ми́лость, я́ко безплóтных Архистрати́зи.

### *Величание*

Велича́ем вас, Арха́нгели и А́нгели и вся во́инства, Херуві́ми и Серафі́ми, сла́влящія Го́спода.

## Пророку

### *Тропарь, глас 2-й*

Проро́ка Твоего́ (*имярек*) па́мять, Го́споди, пра́зднующе, тем Тя мо́лим, спаси́ ду́ши на́ша.

### *Кондак, глас 4-й*

Просвети́вшееся Ду́хом чи́стое твоѣ се́рдце проро́чества бысть светлейшаго при́телище: зриши бо, я́ко настоя́щая, далѣче су́щая; сего́ ра́ди ты почита́ем, проро́че блаже́нне (*имярек*), сла́вне.

### *Величание*

Велича́ем тя, святы́й проро́че Бо́жий (*имярек*), и чтим святу́ю па́мьть твою́, ты бо мо́лиши за нас Христа́ Бо́га на́шего.

## Апостолу

### *Тропарь, глас 3-й*

Апо́столе святы́й (*имярек*), моли́ ми́лостиваго Бо́га, да прегреше́ний оставле́ние пода́ст душáм на́шим.

### *Кондак, глас 4-й*

Я́ко звезду́ пресвѣтлую Цѣрковь всегда́ стяжа́ ты, апо́столе (*имярек*), чудес твои́х многоподава́нием просвеща́ема. Тѣмже зове́м Христу́: спаси́ чту́щих ве́рою па́мьть Твоего́ апо́стола, Многоми́лостиве.

### *Величание*

Велича́ем тя, апо́столе Христовъ (*имярек*), и чтим болѣ́зни и труды́ тво́я, и́миже труди́лся еси́ во благовѣ́стии Христо́ве.

## Апостолам

### *Тропарь, глас 3-й*

Апо́столи свя́тии, моли́те ми́лостиваго Бо́га, да прегреше́ний оставле́ние пода́ст душáм на́шим.

### *Кондак, глас 4-й*

Лóзие яви́стеся Христо́ва виногра́да му́дрии, гро́здіе принося́ще в

добродѣтелех, вино́ нам спасѣния источа́юще: егѡже приѣмлем, весѣлія исполня́ющесе. Празднуем честну́ю ва́шу па́мь, в ню́же молитѣ дарова́тися нам вели́цей ми́лости и отпу́щению грехѡв, Господни апѡстоли.

## Святителю

*Тропарь, глас 4-й*

Прави́ло вѣры и о́браз крѡтости, воздержанія учителя, яви ты стаду твоему́ Яже веще́й истина; сего ради стяжа́л еси́ смиреніемъ высо́кая, нищетою богáтая, ѡ́тче священноначáльниче (*имярек*), моли Христа́ Бо́га спастися ду́шам на́шим.

*Кондак, глас 2-й*

Божѣственный громъ, трубá духовная, вѣры насадителю и отсека́телю ересей, Тро́ицы уго́дниче, вели́кий святителю (*имярек*), со Ангелы предсто́я прісно, моли́ непрестáнно о всех нас.

*Величание*

Велича́ем тя, святителю ѡ́тче (*имярек*), и чтимъ святую́ па́мь твою́, ты бо мо́лиши за нас Христа́ Бо́га на́шего.

## Святителямъ

*Тропарь, глас 4-й*

Бо́же о́тец на́ших, творя́й прісно с на́ми по Твое́й крѡтости, не отста́ви ми́лость Твою́ от нас, но моли́твами ихъ в міре упрáви живо́т наш.

*Кондак, глас 8-й*

Яко добродѣтелей учителие и иерáрховъ украшѣние, Цѣрковь, пою́щи, вас сла́вит: моли́твами ва́шими пода́йте чту́щимъ васъ любѡвію добродѣтелей исправлѣние и собла́зновъ избавлѣние, яко непобѣди́ми.

## Мученику

*Тропарь, глас 4-й*

Му́ченикъ Твой, Го́споди, (*имярек*), во страда́нии своѣмъ вене́цъ пріятъ нетлѣнный от Тебѣ́, Бо́га на́шего; имѣя́й бо крѣпость Твою́, мучителей низложи́, сокруши́ и де́моновъ немощны́я дерзости. Того моли́твами спаси́ ду́ши на́ша.

*Кондак, глас 2-й*

Звезда́ свѣтлая яви́лся еси́ непрелѣстная мірови, Со́лнца Христа́ возвеща́я зарями твоими́, страстотѣрпче (*имярек*), и прѣлестъ погаси́л еси́ всю, нам же пода́еши свѣтъ, моля́ся непрестáнно о всех нас.

### *Величание*

Велича́ем тя, страстоте́рпче святы́й (*имярек*), и чтим честна́я страда́ния твоя́, я́же за Христа́ претерпе́л еси́.

## Мученице

### *Тропарь, глас 4-й*

А́гница Твоя́, Иису́се, (*имярек*), зоветъ ве́лиим гла́сом: Тебе́, Жени́ше мой, люблю́, и Тебе́ и́щущи, страда́льчеству́ю и сраспина́юся и спогребáюся Креще́нию Твое́му и стражду́ Тебе́ ра́ди, я́ко да ца́рствую в Тебе́ и умира́ю за Тя, да и живу́ с Тобо́ю; но я́ко же́ртву непоро́чную приими́ мя, с любóвию пожёршуюся Тебе́. То́я моли́твами, я́ко Ми́лостив, спаси́ ду́ши на́ша.

### *Кондак, глас 2-й*

Храм твой всечестны́й, я́ко цельбу́ душе́вную обрётше, вси ве́рнии велегла́сно вопи́ем ти: де́во мученице (*имярек*) великоиме́нитая, Христа́ Бо́га моли́ непреста́нно о всех нас.

### *Величание*

Велича́ем тя, страстоте́рпице Христо́ва (*имярек*), и чтим честно́е страда́ние твоё, е́же за Христа́ претерпе́ла еси́.

## Мученикам

### *Тропарь, глас 4-й*

Му́ченицы Твои́, Го́споди, во страда́ниях свои́х венцы́ прия́ша нетле́нныя от Тебе́, Бо́га на́шего: имуще бо крѣ́пость Твою́, мучи́телей низложи́ша, сокруши́ша и де́монов немощны́я дерзости; тех моли́твами спаси́ ду́ши на́ша.

### *Кондак, глас 2-й*

Свети́льницы све́тлии я́вльшеся, Божѣ́ственнии му́ченицы, тварь всю све́тлостію чуде́с озаря́ете, неду́ги разреша́юще и глубо́кую тьму всегда́ отгоня́юще, Христу́ Бо́гу моля́щеся непреста́нно о всех нас.

## Священномученику

### *Тропарь, глас 4-й*

И нра́вом прича́стник, и престо́лом наместник апо́столом быв, дея́ние обрел еси́, Богодухнове́нне, в видѣ́ния восхо́д: сего́ ра́ди, сло́во и́стины исправля́я, и ве́ры ра́ди пострада́л еси́ да́же до кро́ве. Священному́чениче (*имярек*), моли́ Христа́ Бо́га спасти́ся душáм на́шим.

*Кондак, глас тот же*

Во святителех благочестно пожив и мучения путь прошед, идоляския угасил еси жертвы, и поборник быв твоему стаду, богомудре. Темже ты почитающе, тайно вопиём ти: от бед избави ны присно твоими мольбами, отче наш (*имярек*).

**Священномученикам**

*Тропарь, глас 4-й*

Богже отец наших, творяй присно с нами по Твоей кротости, не отстави милость Твою от нас, но молитвами их в мире управи живот наш.

*Кондак, глас 3-й*

Яко светильники незаходимыя разумнаго Солнца, сошедшеся днесь восхвалим песньми: возсияли бо есте сущим во тьме неразумия, всех созываяще к высоте благочестия, священномученицы. Тем вопиём вам: радуйтесь, постников всех основание.

**Преподобному**

*Тропарь, глас 4-й*

В тебе, отче, известно спасёся еже по образу: приим бо крест, последовал еси Христу, и дея учил еси презирати убо плоть, преходит бо, прилежати же о души, вещи безсмертней; темже и со Ангелы срадуется, преподобне (*имярек*), дух твой.

*Кондак, глас 2-й*

Чистотою душевною божественне вооружився и непрестанныя молитвы, яко копие, вручив крепко, пробол еси бесовская ополчения, (*имярек*) отче наш, моли непрестанно о всех нас.

*Величание*

Ублажаем тя, преподобне отче (*имярек*), и чтим святую память твою, наставниче монахов и собеседниче Ангелов.

**Преподобной**

*Тропарь, глас 4-й*

В тебе, мати, известно спасёся еже по образу: приимши бо крест, последовала еси Христу и деющи учила еси презирати убо плоть, преходит бо, прилежати же о души, вещи безсмертней; темже и со Ангелы срадуется, преподобная (*имярек*), дух твой.

*Кондак, глас 2-й*

За любовь Господню, преподобная, покоя желание возненавидела

еси́, пощёнием дух твой просвети́вши: крёпко бо звери победи́ла еси́; но моли́твами твои́ми проти́вных шата́ние разори́.

#### *Величание*

Ублажа́ем тя, преподо́бная ма́ти (*имярек*), и чтим святу́ю па́мять твою́: ты бо мо́лиши за нас Христа́ Бо́га на́шего.

### **Преподобным**

#### *Тропарь, глас 4-й*

Бо́же оте́ц на́ших, творя́й при́сно с на́ми по Твое́й крото́сти, не отста́ви ми́лость Твою́ от нас, но моли́твами их в ми́ре упрáви живо́т наш.

#### *Кондак, глас 2-й*

Волне́ний мно́жество невла́жно проходя́ще, безплотны́я враги́ стру́ями слез ва́ших крёпко погрузи́ли естé, богому́дрии и преподо́бнии, и чуде́с дар при́ймше, моли́те непреста́нно о всех нас.

### **Бессребреникам**

#### *Тропарь, глас 8-й*

Святии безсрэ́бреницы и чудотворцы, посети́те немо́щи на́ша: ту́не при́йте, ту́не дади́те нам.

#### *Кондак, глас 2-й*

Благодать при́ймше исцелéний, простира́ете здравие сущим в ну́ждах, вра́чеве, чудотво́рцы пресла́внии; но вашим посещéнием ра́тников де́рзости низложите́, мир исцеля́юще чудесы́.

#### *Величание*

Величаем вас, чудотворцы сла́внии (*имена их*), и чтим честная́ страдания ва́ша, яже за Христа́ претерпе́ли естé.

### **Христа ради юродивому**

#### *Тропарь, глас 1-й*

Глас апосто́ла Твоего́ Павла услы́шав, глаго́лющ: мы юро́ди Христа́ ради, раб Твой, Христе Бо́же (*имярек*), юро́д бысть на земли́ Тебе́ ра́ди; темже па́мьть его́ почита́юще, Тебе́ молим, Господи, спаси души́ наша.

#### *Кондак, глас 8-й*

Вы́шняя красото́й жела́я, и ни́жняя сла́сти теле́сныя то́щно оста́вил еси́, нестяжа́нием су́етнаго ми́ра Ангельское житие́ прехо́дя, сконча́вся, (*имярек*) блаже́нне; с ни́миже Христа́ Бога моли непреста́нно о всех нас.

***Величание***

**Ублажа́ем тя, святы́й пра́ведный (*имярек*), и чтим святую память твою: ты бо молиши за нас Христа Бога нашего.**